

rosæ classis adventu insulæ præfectus, aut certe consilio-
rum Emanuelis non ignarus, ut potentissimum alioquin
hostem aliqua mora ludificaretur, Vitali persuadet, ut Con-
stantinopolim legatos mittat, affirmans se pro comperto
habere, Emanuele vel iniquissimam pacem bello præla-
tuum. Missi Antistes Equilinus Græci sermonis peritus,
& Manasses Badoarius. Interim Vitalis in Chium insulam
transmisit, urbemque cum tota insula confestim in suam
potestatem redegit. Hic, quia jam hyems appetebat, hy-
bernare constituit, legatorumque reditum expectare. Et
quia spes facta erat futuræ pacis, post Chium oppressam
ab Emanuelis rebus arma abstinuit. Interim ille (ut cal-
lido erat ingenio, & ad dolum proclivi) coram pacis sat-
agere, quædam petere, alia negare: nunc legatorum po-
stulata probare, paulo post consilio opus esse dicere: atque
ita rem de industria trahere, Venetos ludificari. Demum
re adhuc infecta Equilinus Antistes & Manasses cum Ema-
nelis legatis ad Vitalem redierunt. Græcorum legatio &
ipsa apud nostros alia atque alia causando moram nec-
tere; interim pestis ingens repente orta brevi vim hominum
ingentem confecit. Creditum vulgo est, fontes proximos &
flumina, unde Veneti aquabantur, Imperatoris jussu vene-
no fuisse infecta: atque ex ipso aquarum haustu pernicio-
sum morbum a tota classe contractum. Apud quosdam re-
perio, Emanuele cum ingenti classe ad insularum præsi-
dium venisse, sed non ausum cum Venetis congregi, aquis
veneno infectis, abiisse. Ferunt, omne Justinianæ familiæ
nomen ea clade extinctum: nam ita sane acciderat, ut
omnes ea domo viri, qui arma per ætatem ferre poterant,
Ducem secuti, ad id bellum exivissent. Ægre molesteque
civitas ferebat totius familiæ nomen deperditum iri. Re-
cordati itaque, ex ea gente adhuc unum superstitem (Ni-
colao ei nomen fuisse accepimus) qui sacris initiatus ad
Georgii fanum, quod est contra forum (ut alii vero tra-
dunt, in littore ad Nicolai ædem) sacris operabatur: pu-
blico nomine ad Pontificem mittunt, ut ad eam sobolem
reparandam liceret juveni religione soluto ex cœlibatu ad

1172

*Spe pacis
facta.*

*Venetos lu-
dificatur.*

*Pestis ex a-
quis veneno
infectis.*

*Tota domus
Justiniana
extinguitur.*

*excepto uno,
qui propter
ea religione
solvitur, ut
matrimonio
sit aptus.*